

長樂縣志卷首

各圖

方括 縣城  
宮 十二景

縣治

學宮

吳航書院

武廟

文昌

林通作圖經劉鄭因而作志今皆無存矣夏志僅存而圖則從畧賀志雖詳而方括形勢不無舛誤彭氏則於畧者詳之誤者正之而後先次序尤復安置井然首方括次縣城縣治學宮書院武廟文昌宮終十二景無一不燦若列眉今悉仍其舊焉非因陋就簡也亦規隨之意云爾作圖說


# 方括圖

長樂縣志

卷首 圖

二





長樂縣志

卷首 圖

西南至閩縣界


清界

# 縣城圖

長樂縣志

卷首 圖

四






# 縣治圖

長樂縣志

卷首圖

六



長樂縣志

卷首圖

七


# 學宮圖


長樂縣志

卷首

圖


八











長樂縣志


卷首

圖

十二

昇書

航院




武廟圖


長樂縣志

卷首

圖

十四






文昌宮


長樂縣志

卷首

圖


十六






晉 雲石





首石凝雲圖說

山之奇率以石蓋石爲土之精而氣之核故測試奇也縣北山有石二十餘文岌嶭嶙峋上入雲際俯視羣巒如拱翼如踴伏如巨君之彈壓臣庶石上有泉竄窳嵌空四旁溢出又名狀元峰鳴則大魁出前明馬彥聲李德良已應之其興雲吐氣可驗晴雨或始而孤光淡蕩倏而靉黳迷濛山骨盡封則滂霈立至夫太乙以峻極標奇太華又削成稱貴若此之觸石膚寸潤及蒼生而又孕秀儲精徵靈兆異則謂是山即邑之泰崧也可




猶

壘

月

花工

壺井山



壺江泛月圖說

咸池之氣下注清流壺江其支派科江外狹內廣若壺然溪  
 澗之所演匯滄溟之所吐納當夫遠水涵碧長天作秋千頃  
 流光冰輪耀彩壺山倒影浸入琉璃駕一葉之扁舟微聞風  
 水聲合沓作響恍在十洲三島間也昔白傳以五宿澄波皓  
 月誇示元使君使其遇此不知遲留愛慕當復何如耳




曉

龍


瀾

潭




龍潭曉瀑圖說

鶴山白龍潭之中有懸瀑焉數十仞奔瀉而下聲若迅雷勢若注雷昔人所謂天紳也下有鯉魚墩首向濺沫作欲吸狀每值煙光籠罩微雲接漢一派銀潢在若隱若見之間其或朝暾晼晼澄澈映射則陸離璀璨如長虹掛空五色皆備夫天下之言瀑者廬山其著矣而地志猶謂廬山之循崖直下不若雁宕之飛墜奔騰以此視彼安知不並駕爭奇乎



齊巖  
知鐘



寒巖晚鐘圖說

邑郊西里許有古刹昔人鋟寒巖二字于石因名即天王寺也左引六平右控金雞雖近郭郭而無喧囂聲首石峙其北馬江臨其南當風日清美雲光帆影合沓爭奇咸效會獻媚于几席之下其清機靜致不可具狀若夫夫陽西下萬籟歸虛樵唱已停漁歌未引梵鐘一扣清音四聞隱隱與欵坎鞞鞞之聲相酬答直令人清俗慮而滌煩襟又不僅姑蘓城外夜半寒山徒供過客之之毫已也




五

嶺


橫

嶺




五峰嵐橫圖說

渤海有岱輿員嶠方壺瀛洲蓬萊五山吳郡有芳桂飛泉修  
 竹丹霞白雲五塢名播寰中盖一為神仙之洞府一為輪蹄  
 所輻輳故傳耳若長邑之五峰拔地倚天頂有巨石高數仞  
 上連浮雲其中迴巖穹壑庠豁蜿蟺有朱晦翁鄭性之題字  
 土石盡作紺紅色益以霽日嵐光互相映射如粧如滴蔚然  
 爛然政恐米元暉畫圖不能髣髴耳五峰者何曰卧牛曰仙  
 冠曰貴品曰蓮花曰雲梯也




七  
嶺  
繞



七巖星繞圖說

東粵有七星巖論者謂其上應躔次精氣之所燭理或然也  
邑羅城七巖山與三山御屏相接為吳航發祖之脉上有石  
七纍纍如連貝下為雙澗流石竇中淙淙作笙竽聲郡志云  
巨石覆其巔錯落若南斗盖揚州斗牛女之墟星精之所孕  
育其殆肖象而生者歟




積

響


響

響




籌峰積雪圖說

籌陽山者邑靈區也神斧削成高欲摩天左右有鼇峰龍峰  
 出雲三寶介石錦鯉西石諸巖而德成晦翁二巖最著差專  
 林伸蒙德成之所及宋朱子與二劉講學處也四特含胡方  
 冬尤勝每窮陰積雪凝華萬疊瑤瑤琪花璿房瓊室千態萬  
 狀方之小成空桑峨眉諸勝槩殆彷彿似之




龍含

角烟



龍角含烟圖說

邑十四都是山巔有石巍然突出雲表邑人張翀書龍角峰三字盖形似也中有石門洞天試劍石仙棋枰仙人跡諸勝東望溟渤巨浪拍天恍作驤首飛騰狀俯瞰錦橋漳水則又其勢所吸吞也天清日麗轟轟高標令人興文明想迨夫興雲吐霧變態橫生振鬣揚鱗枯槁皆起其霖雨蒼生時乎




屏 鋪

嶂 霄




屏嶂鋪霞圖說

縣治東南三十里曰三溪村鼎水分流人居夾岸沿溪而上  
歷搏紗破石諸潭有九仙洞歸愚洞天龍井舉頭天半羣青  
攢翠綿亘數里者屏嶂也朱文公賞共生槩勒溪山第一四  
字時當久陽漸微明霞舒豔或一抹在山或萬疊映水齊薄  
漢之孤鷺映垂天之彩虹彷彿赤城建標澄江散綺不獨  
子猷山陰道上嘆奇絕也



迎靈  
旭峰

靈峰山




長樂縣志

卷首 圖

三十七

靈峰迎旭圖說

泰山東南有日觀雞鳴時即見日非以其高無蔽障耶邑之  
 靈峰聳拔絕羣西揖巾石山東俯王母礁麒麟獬豸儼若兒  
 孫之環繞祖父也其秀麗幽奇又如斲削初就而嶽奇厯落  
 之下可以形似也惟高也故得曰最先惟秀也故日光所蕩  
 射若錦屏步障之列於庭而光怪陸離相映發也未知其於  
 日觀何如而於吳航則固為海國之巨觀云




長樂縣城




梅城弄笛圖說

縣東北五十里曰梅江中有城與定海對峙邑巨鎮也島嶼  
錯落雉堞周遭萬頃鴻冥渺不知其所際遙望琉球青烟幾  
點每值夜月晶瑩天水一色數聲風笛如聽龍吟其清谿過  
客邀桓將軍據胡床三弄耶抑李暮秋夜競響裂石身在仄  
步舟中也



御 國  
歸 帆



御國歸帆圖說

邑二十都有山名御國矗立天表外控大洋遠彝貢舶望爲  
標準山頂旁勒雲山天海上鑄日角雲根北眺溫台南望交  
廣黛痕數抹隱見有無於霞盡烟沉之外其或濁浪排空水  
光接天魚龍出沒駭目盪胸洵琮內之奇觀矣若乃潮平風  
定一葉飛來青雀黃龍連檣簇至又熙熙然歸市樂也況乎  
獻琛貢賚絡繹不絕來享來王之盛更有令人履此而穆然  
想見者